

*Abt Friedrich und der Konvent des Klosters Pfäfers und Jörg Locher, Untervogt auf Freudenberg, einerseits und die Brüder Wolfhart und Ulrich von Brandis und Burkhart von Richenbach, Vogt in Maienfeld, andererseits siegeln einen zwischen ihnen und den Gemeinden Ragaz und Maienfeld geschlossenen Anlassbrief, worin sie sich verpflichten, ihre Konflikte um Wuhrbauten am Rhein einem Schiedsgericht zur Schlichtung vorzulegen.*

*Abschr. (B), Insert in Nr. xx v. 22. Juni 1474, StadtA Maienfeld 47.  
Abschrift (B), StadtA Maienfeld 1. Aktenmappe.*

Wir Fridrich<sup>1</sup> von gottes gnaden apt des erwirdigen gotzhus Pfäuers<sup>2</sup>, der tächen vnd das conuent vnd vnsers gotzhus lüte, so dise nach geschribne sach berüret, die gantz gemain<sup>l0</sup> des dorffs Ragatz<sup>3</sup> an aynem, Wolfhart vnd Vlrich gebrüder von Brandiss<sup>4</sup> fry herrn, vogt vnd gemaind zū Mayenfeld<sup>5</sup> anders tails bekennend vnd tünd kund offenlich mit disem brieff<sup>l1</sup> für vns, vnser nachkomen vnd erben. Als spenn vnd zwytracht entschwüschend vns gewesen sind, antråffend die wūr, so wir bayder siten ob der statt Mayenfeld vnd ob dem dorff Ragatz<sup>l2</sup> baydenthalb dem Rin gemacht habent, darinn vnser yeder tail von dem andren vermaint, beschwärt vnd schadhafft worden sin. Öch wie wir vff bayder siten an dem Rin künftlichen<sup>l3</sup> würen sollent, von den obresten würen, die wir yetz gemacht habent, vntz an Ragatzer Bach vnd an der andren siten hinab vntz engegen hinvber, das wir des gantz vnd gar komen<sup>l4</sup> vnd gangen sind vff die ersamen vnd wisen Hansen von Capal<sup>6</sup> yetz lantrichter des Obren Puntz<sup>7</sup>, Wilhelmen Seluaplana yetz amman zū Tisentis<sup>8</sup>, Hansen im Löh<sup>9</sup> yetz der corhern amman<sup>l5</sup> vnd des rautz zū Cur, Peter Crafft<sup>10</sup> yetz schul(the)s zū Sanagans<sup>11</sup>, Cünrat Melin alt amman der herschafft Nidberg<sup>12</sup> vnd Matheus Stilin von Flums<sup>13</sup>, also vnd in sölicher mäss, das sy die<sup>l6</sup> gemelten spenn gar aygenlich besächen vnd vns zū bayder site gnügsamlich darvff verhören söl- len nach noturfft vnd dann sollen sy vollen gewalt haben, vns selicher spenn<sup>l7</sup> vnd des würentz halb zū entschaiden, es sy mit der minn oder mit dem rechten vnd was sy des- halb entschwüschend vns bayden tailen setzend sprächend oder machend, es sy gülich<sup>l8</sup> oder mit dem rechten, dem sollen vnd wöllen wir bayd obgenanten parthyen, alle vnser erben vnd nachkomen gestracks öne alles appellieren vnd wegren nachkomen, da wider niemer mer<sup>l9</sup> nützit schaffen noch tün oder gestattnen zū geschächen, weder mit gericht noch öne gericht in dehein wis noch weg. Wir gelobent öch yetz in krafft diss brieff vnd by vnsern werden vnd gü-<sup>l20</sup> ten trüwen, solichem wie obstaut nach zū komen, als ver dz vnser yeder tail berüren ist, geuerd vnd arglist hierinn gantz vnd gar vgeschlossen vnd vermitteln. Vnd des zū vrkund vnd<sup>l21</sup> güter sicherhait so haben wir obgenanter apt Fridrich vnser apty vnd wir obgemelter tächen vnd conuent vnsers conuentz vnd ich Jörg Locher<sup>14</sup> der zit vndervogt zū Frödenberg<sup>15</sup> min<sup>l22</sup> aygen insigel für vns vnd für alle, die so vff vnser parthy zū diser sach gehafft vnd gewandt sind, vnd für all vnser erben vnd nachkomen vnd von ir bätt wägen offenlich gehenckt

an disen l<sup>23</sup> brieff. Vnd wir obgeschribnen Wolffhart vnd Vlrich von Brandiss fry herren gebrüder vnd ich Burkard von Richenbach<sup>16</sup> yetz vogt zû Mayenfeld habent och vnsre aygen insigel für l<sup>24</sup> vns vnd für vnser erben vnd für die gemaind von Mayenfeld als von ir bitt wâgen offentlich gehenckt an disen brieff. Der geben ist an mentag vor sant Johannis tag zû sunnwen- l<sup>25</sup> dy, als man zalt von gotzes geburt vierzechen hundert sibentzig vnd vier jar.

<sup>1</sup> Friedrich v. Reitnau, 1447-†1478. – <sup>2</sup> Benediktinerkloster Pfäfers, Bez. Sargans SG (CH). – <sup>3</sup> Ragaz, Bez. Sargans. – <sup>4</sup> Wolfhart VI., 1430-†1477 u. Ulrich v. Brandis, 1452-†1486. – <sup>5</sup> Maienfeld, Gem. u. Kr. GR (CH). – <sup>6</sup> Hans v. Capol, 1474-1476 u. 1480/81 Landrichter des Oberen (Grauen) Bundes. – <sup>7</sup> Oberer (Grauer) Bund, 1395/1424 Zusammenschluss von Gerichtsgemeinden des Vorder- und Hinterrheintals. – <sup>8</sup> Disentis, Gem. u. Kr. GR. – <sup>9</sup> Wohl id. mit Hans Locher (Johannes Schlegel im Loch), 1480-†1499/1500 wiederholt Bürgermeister von Chur. – <sup>10</sup> Peter Kraft, 1462-1494 wiederholt Schulheiss von Sargans. – <sup>11</sup> Sargans, Stadt u. Bez. SG. – <sup>12</sup> Nidberg, Gem. Mels, Bez. Sargans. – <sup>13</sup> Flums, Bez. Sargans. – <sup>14</sup> Jörg Locher, 1463-1511? wiederholt Untervogt zu Freudenberg. – <sup>15</sup> Freudenberg, Gem. Ragaz. – <sup>16</sup> Burkhart von Richenbach, 1468-1480 wiederholt Vogt von Maienfeld.